

Pemilihan UMNO: Mahathir ingatkan jangan kempen kotor

UM 2 - NOV 1990

ALUR SETAR 1 Nov. — Presiden UMNO, Dato' Sri Dr. Mahathir Mohamad hari ini mengingatkan ahli-ahli jangan menjalankan kempen kotor dalam pertandingan merebut jawatan tertinggi pada Perhimpunan Agung UMNO 29 November ini sehingga boleh merosakkan parti.

Katanya, UMNO mengamalkan demokrasi dan setiap ahli parti bebas bertanding merebut sebarang jawatan tertinggi termasuk jawatan Presiden.

Bagaimanapun tegas beliau, jangan pula mengadakan jenis-jenis kempen yang tidak diinginkan seperti yang pernah dilakukan oleh seorang ahli UMNO dulu yang terus merosakkan parti setelah kecewa merebut jawatan Presiden.

"Kalau ada orang yang hendak bertanding, mereka boleh bertanding," katanya kepada para pemberita setelah tiba dengan pesawat di Lapangan Terbang Kepala Batas lewat petang ini.

Dato' Sri Dr. Mahathir Mohamad dan Datin Sri Dr. Siti Hasmah pulang untuk menghadiri kenduri kesyukuran anjuran UMNO Bahagian Kubang Pasu di Masjid Al-Aqla, dekat Jitra malam ini.